

5. Oktober 2023

UKA2023/33

Nunat Avannarliit Killiit Siunnersuisoqatigiiffiata Islandimi, Kalaallit Nunaanni Savalimmiunilu naalackersuisunut kaammattuutigaa pinngortitamik tunngavilimmik takornariartitsisarnermut nunani avannarlerni killerni nunat periusissiat aaqqissuussinerillu qulaajarneqarlutillu sanilliunneqarnerannik ingerlataqaqqullugit, tassunga ilanngullugit nunani pineqartuni takornariartitsisarnerup annertusiarerneranut atatillugu pinngortitamik atuisinnaaneq illersuinerlu, suliassaqarfimmi suleriaatsit pitsaanerpaat suussusersineqarnissaat paasinierlugu.

(Siunnersuuteqartoq: Aallartitat siulittaasuat Kim Kielsen)

Nunat Avannarliit Killiit Siunnersoqatigiiffiata takornariaqarnermi pinngortitamik atuisinnaanermut illersuiniarluni Naalackersuisunut kaammattuutaanut Siumumit imatut oqaaseqarfigissavarput.

Nunatsinni takornariaqarnermi eqqummaariffigisassat ukiuni kingullerni eqqartorneqarlutillu sinaakkusersorneqarput. Soorlu Naalackersuisup oqaaseqaatimini naggasiilernermini oqaaseqataa atuaraanni allaffissornerujussuarmik pilersitserusunngitsumik nipilimmik apeqquteqartoq, suliniutit sulialllu maani Nunatsinni aallartereernikummata toqqammavilersulerneqalereersimallutillu.

Taamaakkaluaq Siumuminngaanniit Nunat Avannarliit Killiit ukiuni kingullerni ilikkagaat, sinaakkusigaat eriagisassatullu pisaat maani Nunatsinni sinaakkusersuinitinni takunngitsooratartarsinnaagatsigit akerlianillu taakkununga tunniussaqaarsinnaagutta kaammattuut Siumuminngaanniit ilalerparput.

Ukiuni kingullerni qorsuunerunissamik eqqarsarnermi ilaalluinnarpoq kulturimik eriaginninneq, tassani oqaluttuarisaanermi nunagineqaarsimasut sinnikui, illukut, inuussutissarsiorfiit, immakkut nunakkullu, nunallu eriagisassatut nalunaarsukkat eriagisassat iluanniillutik.

Qanganisarsiuut Avannersuarmi paasisaminnik saqqummiussaanni nunatarujussuaq ornigarneqarluartartoq takutinneqarpoq. Tassani illutoqqat tikinneqartarnermikkut aserfallakkaluttuinnarsimapput, aqqutalugineqarlutik eqqaanilu pisuttuuartoqartarnerata kingunerisaanik.

Taamaammat eqqarsarluarnissami avitseqatigiittarnissaq, sulianik ingerlataqareeraluarluta, pingaaruteqarluinnartutut isigivarput. Assersuutigiinnarlugumi umiarsuarnik tikittartut



imarsiornermi qaammaasalinnik ilaasoqartarput, piumasarilersinnaavarput qanganisarsiuut nunatsinnut qaammaasaqarluartut peqataasalernissaat imaluunniit nalunaarsuisoqarluni eriagisassanik malittarisassanik suliaqartoqarsinnaalissasoq, taamaalillutami kultuuritsinnik nunatatsinnillu eriaginnineq pitsaasumik qulakkeernerulissagatsigit.

Taamatut oqaaseqarluta Siumumiit Nunat Avannarliit Killiit Naalakkersuisunut kaammattuutaat akuerisassanngortillugu ingerlateqqipparput.

Oqaaseqartoq, Najaaraq Møller Siumut